

Invitacion di MinPres Eman pa Tico, Nel y Glembert:

# CUMBRE DI LIDERNAN POLITICO

Concretisando su promesa pa haci un esfuerso pa trece e forzanan politico di Aruba mas serca di otro Minister President Eman den un mensahe sopresivo durante su discurso di fin di anja a anucia cu e a invita su coleganan Tico Croes, Nel Oduber y Glembert Croes pa un cumbre di lidernan politico dia 3 di januari 2000 (awe).

Minister President Eman a expresa cu ora nos mira bek ariba un siglo completo, ora nos worde guia dor di e herencia di nos fe, ora nos mira bek mas largo den tempo, cu djies nos ultimo diferencia di opinion, nos ta realisa cu den nos historia, den nos herencia y den nos fe tin mas cos cu ta uni nos cu tin cu ta dividi nos.

E a expresa cu humanidad a sobrebebi pa motibo di e valornan y kerienan comun aki. Y cu Aruba a sobrebebi pa motibo di e valornan y kerienan comun aki.

Ta pa e motibo aki, Minister President Eman a expresa, cu den su mesun refleccion ariba tempo cu a pasa y e retonan nos dilanti, a yega na e conclusion, e sentimiento cu den nos pais nos tin cu reafirma nos compromiso pa cu e valornan cu ta juda nos construi un sociedad humano.

"Na unda cu diferencianan, visionan, destinto, confrontacionan y methodonan otro di avansa nos pensamentonan por a afecta e fortaleza di nos kerencia y valornan comun, nos mester, pa sigui construi un Aruba feliz, separa cu mas claridad na unda ta saludabel y importante pa tin diferencianan y na unda e ta imperativo, pa e destino nos pais, pa nos tin un base fuerte di normanan y valornan comun".

Den e espiritu aki Minister President Eman a bisa cu e a manda un carta di invitacion personal pa su coleganan Sr. Nel Oduber, Tico Croes y Glembert Croes pa dia 3 di januari, na cuna di e siglo nobo, sinta un rato hunto, cu e logico libertad di diferencia di opinion, pero cu e compromiso di busa un caminda conhunto pa reforza e herencia, e normanan y valornan comun pa nos sigura cu na final di e

otro siglo, nos jiunan y jiunan di jiunan por hereda un sociedad mas humano, cu a progresa mas den feicidad, fe y compasion uno pa otro. Den su discurso Minister President Eman na un forma eloquente y humilde a muestra ariba e grandesa di nos lidernan di pasado y e herencia cu e generacion nobo di politiconan a haya for di nan y a muestra cu mientras mundo a conoce su heroenan Aruba tambe a conoce su heroenan.

## HEROENAN MUNDIAL

Minister President Eman a reflecciona ariba e sosedidonan den mundo durante e siglo cu a pasa cu a pone mundo awe recorda e heroenan unversal cu a destaca den nan esfuerso y sacrificio pa un mihor sociedad.

"Awenochi nos ta bibando un momento di transicion grandi cu ta duna nos un sentimiento profundo pa pensa ariba nos destino, nos pasado, nos compromisonan, nos

herencia, nos famianan, amigonan, nos bisinjanan, nos pueblo, nos pais y mundo.

Ora mundo mira bek ariba e siglo aki, ariba locual collectivamente a worde alcanza den salvacion di nos manera occidental di bida, cu libertad politico, democratico, economico y social cu tabata worde menasa dor di depresion economico y systemanan totalitario; facismo y comunismo;

Ora mundo pensa locual collectivamente a worde realisa den libertad y igualdad civil pa tur ser human, di tur rasa, color y religion versus esclavitud y opresion;

Ora mundo analisa e avancen di ciencia y tecnologia, cu a trece arma nuclear, television, vuelonan aero y spacial, laser y computer.

Mundo ta recorda heroenan, pensadornan, individuonan unversal y estadistanan: Roosevelt, Einstein, Gandhi y Churchill".

## NOS HEROENAN

Ora nos mira bek ariba nos siglo; nos retonan; nos logronan; nos avancenanan Minister President Hencky a expresa nos ta realisa cu orguyo cu den nos pais chiquito nos tabata tin nos propio Roosevelt, Einstein, Ghandi y Churchill.

"Nos a habri e siglo cu nos ta serando awenochi; ta anhelando e deseo verviente pa ta baas den nos mes cas; ta trahando ariba progreso y igualdad individual di nos mes hendenan; ta luchando pa progreso economico y social den nos mes pais. Y nos heroenan, nos nos estadistanan, nos nos pensadornan, nos nos luchadornan, cada un den nan tempo, a dedica nan bida na e anhelonan, e deseonan, e causanan aki di nos hendenan y nos pais".

"Y nan a haci esaki cu un determinacion asina fuerte, cu un pasion asina profundo, cu logronan asina duradero cu te awe y pa semper nan lo

keda nos inspiracion.

Nan no a biba pa mira nan sonjonan realisa, mescos cu nos no lo biba pa mira nos trabao acaba, ..pasobra e encargo, e reto, e trabao cu nos a hereda di nan, den su esecia y meta final, ta e felicidad di nos henenan y esaki ta un trabao cu no tin un fin.

Cada tempo ta crea su mesun retonan pa alcanza un otro paso den creacion di e sociedad humano ideal cu felicidad pa un y tur".

## HERENCIA DI NOS GRANDINAN; NOS INSPIRACION

Minister President Eman a expresa cu den su tempo, enfrentando Aruba su peor crisis, no a solamente a busca forza den e logronan di nos grandinan, pero mas cu tur den realisa cu nos pais lo tabata un otro; si nan a mira un isla seco, cu poco recurso, probresa y miseria y pensa cu aki no tin posibilidad pa

**Sigui lesa Pag. 15**

# BATATA SIN PELIGRO!!





diarionaruba.com

Teléfono 826747 - FAX 828551 Aña 20 No. 5743 - I Florin

DIALUNA 3 JANUARI 2000

Prome ministro a invita Tico, Nel y Glembert pa:

# GUMBRE DI

# LIDERNAN POLITICO

## PROME BABY DI AÑA, SIGLO Y MILENIO NOBO

Riba e portet aki por mira Sra. Martha Perez cu su yiu muher cu a nace 12.47 a.m. dia prome di januari 2000 y cu a bira e prome baby cu a nace e aña aki, e siglo aki, e milenio aki, na Aruba. Dr. Lopez a asisti e parto di e baby cu a pisa 2480 gram. Den e edicion aki por lesa mas di e nacimiento aki, y tambe por mira mas portet y momen-to cu a ricibi e prome regalonan .

## PLAQUETTE PA WOMAN OF THE YEAR 1999

Ministro di Economia y Turismo Dr. Lily Beke a ricibi su plaquette di reconocimiento di "Woman of the Year 1999" for di man di Director di DIARIO, Sr. Jossy Mansur, durante un recepcion na DIARIO bispo di aña nobo, den presencia di mienbronan di staff di redaccion di DIARIO, y tambe su esposo y yunan. .

## DIARIO ATROBE

## CORANT DI AÑA

Un biah mas DIARIO a wordo escogi como "Corant di Aña" tanto pa emisora Canal 90 como pa ATV. Pa medio di esaki Staff y redaccion di DIARIO ta gradici henter pueblo di Aruba, lector-nan di DIARIO, comerciantenan di Aruba cu ta pone aviso diartamente den DIARIO y especial-mente oyentenan di Canal 90 y televidentenan di ATV pa e confianza deposita un vez mas den e corant mas lesa, mas bendi y mas grandidi Aruba. Danki pueblo masha danki !

## SUPER SPECIALS

**BRAUN**

Shaver/Trimmer

Afl. 162=

**BRAUN**

Hair Curler/Styler

Afl. 30=

Auto Voltage 110-220

Main St. #34, Open 8:30 AM - 6 PM Daily, Closed Sundays

Tel. 837115 • 820525 • Fax 837240

## BAHA PESO

## TAE - BO

## AEROBICS

## NEW YEAR'S SPECIAL

Dialuna pa Diasabes 4 p.m., 5 p.m., 6 p.m.; 7 p.m. Diasabra 2 p.m. y 3 p. m.

Yama Nick na 861705 pa bo haya bo PROME LES GRATIS!

Cortesia di Rhodhana Security N.V. (Nos tin les pa muchanan)

## Price Rite

Awe Dialuna y mañan Diamars nos lo ta sera pa INVENTARIO.

Diaanzon nos lo ta habri normal atrobe di 9'or te cu 7'or anochi.

Di antemano danki PRICE-RITE.

## Naturalmente

Nos ta habri awe, 3 di Januari 2000

Garage Centraal Aruba N.V.

Sabana Blanco z/n • Tel. 826262 • Fax. 823149

"Nos ta deseabo un felis siman, yen di salud y bendicion."

## A.F. Aponte Insurance Brokers N.V.

"Nos T'ey pa Sirbibo" - Telefon 874228

Tanki Leendent # 293









**amc unicon**

**pa biba mihor!**

**Nos ta participa na  
tur nos clientenan cu  
awe 3 di Januari  
tur nos tiendanan  
ta sera pa inventario!!!**



**AMC Megamall  
AMC Fergusonstraat  
AMC San Nicolaas**

**INTAG**  
DISCOUNT STORE

**Mañan nos lo ta  
habri normalmente!!!**